

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2006 ԹՎԱԿԱՆԻ ՀՈՒՆՎԱՐԻ 19-Ի N 765-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

_____ 2025 թվականի N ____ Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2006 ԹՎԱԿԱՆԻ ՀՈՒՆՎԱՐԻ 19-Ի N 765-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածներով՝ Հայաստանի Հանրապետության կառավարությունը **որոշում է**.

1. Հայաստանի Հանրապետության կառավարության 2006 թվականի հունվարի 19-ի «Հայաստանի Հանրապետության ընդհանուր օգտագործման պետական ավտոմոբիլային ճանապարհներին գովազդի (գովազդային վահանակի) տեղադրման, ինչպես նաև ապօրինի տեղադրված գովազդային վահանակի ապամոնտաժման կարգը սահմանելու մասին» N 765-Ն որոշման (այսուհետ՝ Որոշում) մեջ կատարել հետևյալ փոփոխությունը և լրացումները՝

1) Որոշման 1-ին կետով հաստատված հավելվածի՝

ա. Նախաբանի «վահանակների վրա» բառերից հետո լրացնել «, բացառությամբ 18-րդ և 18.3-րդ կետերի դրույթների» բառերը.

բ. 8-րդ կետի «ավարտի մասին,» բառերից հետո լրացնել «ներկայացնելով ճանապարհը տնօրինող մարմնի հետ կնքված գովազդի (գովազդային

վահանակի) սպասարկման պայմանագիրը,» բառերը.

գ.8.2-րդ կետի «Երկարաձգելու դիմումը» բառերից հետո լրացնել «և ճանապարհը տնօրինող մարմնի հետ կնքված գովազդի (գովազդային վահանակի) սպասարկման պայմանագիրը» բառերը.

դ. 18-րդ կետը շարադրել հետևյալ բովանդակությամբ «18.Գովազդակիր կազմակերպությունը պետք է ապահովի գովազդային պաստառի, գովազդային վահանակի և նրա պաշտպանիչ ինժեներական կառույցի բաղադրիչների պատշաճ վիճակը (ժամանակին ներկել, փոխել պատռված պաստառը և այլված լամպերը, նորոգել վնասված բաղադրիչները): Սույն պարտավորությունների կատարումը կանոնակարգվում է գովազդակիր կազմակերպության և տվյալ ճանապարհը տնօրինող մարմնի հետ կնքված գովազդի (գովազդային վահանակի) սպասարկման պայմանագրով, որը առնվազն պետք է ներառի գովազդակիր կազմակերպության պարտավորությունները վահանակի պատշաճ տեսքի պահպանման համար կատարվող պատահիր աշխատանքների (վահանակի և պաշտպանիչ ինժեներական կառույցների ներկում և այլ ընթացիկ գործողություններ) պարբերականություն, ինչպես նաև նշված պարբերականությունից դուրս՝ տարբեր պատճառներով գովազդային վահանակի, պաշտպանիչ ինժեներական կառույցների, գովազդային պաստառի և նրա լուսավորության տարրերի վնասվածքները նորոգելու ժամկետներ վերաբերյալ:».

ե.18-րդ կետից հետո լրացնել 18.1-րդ, 18.2-րդ, 18.3-րդ և 18.4-րդ կետերը հետևյալ բովանդակությամբ.

«18.1. Գովազդի (գովազդային վահանակի) սպասարկման պայմանագիրը կնքվում է 5 տարի ժամկետով, որի պատճենը ներկայացվում է լիազոր մարմնին գովազդային վահանակի տեխնիկական պայմաններին համապատասխանության ակտ ստանալու սույն կարգի 8-րդ կետով սահմանված գրավոր տեղեկացման հետ, կամ, գովազդային վահանակի տեղադրման թույլտվությունը ամեն անգամ մեկ տարի երկարաձգելու դեպքում՝ մեկ տարի ժամկետով, որի պատճենը լիազոր մարմնին ներկայացվում է սույն կարգի 8.2 կետով սահմանված դիմումի հետ:

18.2. Սահմանել, որ.

ա) գովազդի (գովազդային վահանակի) սպասարկման պայմանագրի բացակայության դեպքում լիազոր մարմնի կողմից գովազդային վահանակի տեխնիկական պայմաններին համապատասխանության ակտ չի տրամադրվում կամ մերժվում է գովազդակիր կազմակերպության՝ գովազդային վահանակի տեղադրման թույլտվությունը՝ մեկ տարի երկարաձգելու դիմումը:

բ) գովազդի (գովազդային վահանակի) սպասարկման պայմանագրի ձևը սահմանում է ճանապարհը տնօրինող մարմինը:

18.3. Ընդհանուր օգտագործման պետական ավտոմոբիլային ճանապարհներին մինչև սույն կարգի ուժի մեջ մտնելը տեղադրված գովազդային վահանակների սպասարկման պայմանագրերը կնքվում են անժամկետ:

18.4. Ընդհանուր օգտագործման պետական ավտոմոբիլային ճանապարհներին մինչև սույն կարգի 18-րդ կետի ուժի մեջ մտնելը տեղադրված գովազդային վահանակների սպասարկման պայմանագրերը կնքվում են մինչև լիազոր մարմնի կողմից տրամադրված թույլտվության ժամկետի ավարտը:»:

2. Սույն որոշումն ուժի մեջ է մտնում պաշտոնական հրապարակման օրվան հաջորդող օրվանից, բացառությամբ սույն որոշման «ա» կետի և 18.3-րդ, 18.4-րդ կետերի, որոնք ուժի մեջ են մտնում պաշտոնական հրապարակման օրվանից վեց ամիս հետո:

**Հայաստանի Հանրապետության
վարչապետ**

Ն. Փաշինյան